

IB QHOV TEEB MEEM ME HAIS TXOG COVID-19


Soj Ntsuam Txog Kev Kis Kab Mob Los Ntawm Kev Sib Deev Nyob Hauv Nroog Milwaukee Rau Lub Caij Muaj COVID-19

Los saib txog kev cuam tshuam ntawm COVID-19 thiab kev kis kab mob los ntawm kev sib deev

KEEB KWM


Kev kis kab mob los ntawm kev sib deev nyob As Mes Liv Kas Teb nce siab heev rau 2, 3 lub xyoo dhau los. Nyob rau As Mes Liv Kas Teb, xyoo 2018² xov xwm tau tshaj tawm hais tias muaj tshaj 2.4 million tus neeg mob chlamydia (kas cees tsw phem), gonorrhea (kas cees ua paug), thiab syphilis (kas cees mob taug leeg) — tus nab npawb no yog tus siab tshaj plaws uas tau muab tshaj tawm. Yog li ntawd, kev soj ntsuam txog kis kab mob los ntawm kev sib deev yog ib qhov tseem ceeb. Tab sis COVID-19 ho tshwm sim, ces ib cov kev pab cuam rau phab kev noj qab haus huv rau cov pej xeem raug txo los yog muab tso tseg lawm⁵. Piv txwv, tej yam kev pab cuam nyob hauv Milwaukee Health Department tau muab hloov mus rau lwm qhov lawm, xws li kev ua hauj lwm pab tiv thaiv kab mob sib kis los ntawm kev sib deev. Cov neeg ua hauj lwm tiv thaiv kab mob yeej saib xyuas txog kev kho mob thiab kev tiv thai, tab sis muaj coob tus ho tau hloov lawv txoj hauj lwm mus saib xyuas rau COVID-19 lawm.⁷ Lub koom haum National Association of County and City Health Officials (NACCHO) xav hais tias cov neeg kis kab mob los ntawm kev sib deev yuav nce rau qhov neeg mus kuaj tsis tau thiab kho ts tsi tau mob vim hais tias ib cov chaw kho mob kaw thiab kev pab cuam raug txo lawm.⁴ Qhov txhawj xeeb ces yog ib cov kev pab cuam raug txo lawm ces yuav ua rau kom muaj kev kis kab mob ntxiv xws lis chlamydia, gonorrhea, and syphilis.

SAIB COV NTAUB NTAWV



Daim duab 1. Tus Mob Chlamydia xyoo 2018 - 2020

Nyob rau lub 3, Hlis, 4 Hlis, thiab 5 Hlis, xyoo 2020 tus mob Chlamydia tso qis heev, nws ncaj rau lub sij hawm muaj mob COVID-19 es muab ib cov kev pab cuam hloov mus rau lwm qhov, ces ua rau tsis muaj kev kuaj mob vim hais tias ib cov chaw kho mob kaw thiab hais kom neeg nyob sib nrug uas yog los ntawm qhov kev xaaj kom neeg nyob hauv tsev.




Daim duab 2. Tus mob Gonorrhea 2018 - 2020

Tus mob gonorrhea nce me ntsis rau lub 6 Hli thiab 7 Hli 2020 tej zaum yuav ncaj rau lub sij hawm muab qhov kev xaaj kom neeg nyob hauv tsev tshem lawm, es ua rau neeg rov qab sib deev dua thiab muaj kev kuaj mob ntxiv tuaj. Raws li paub, tus mob gonorrhea tseem tsis tau

*Qhia paub: Cov ntaub ntawv no tsuas qhia txog cov neeg kuaj tau tias muaj mob xwb thiab qhia tawm txij lub 1 Hlis txog lub 7 Hli tag rau xyoy 2018, 2019, thiab 2020.

SAIB COV NTAUB NTAWW, Ntxiv Mus — Kis kab mob los



Daim Duab 3. Tus mob Syphilis (kas cees mob taug leeg) 2018 - 2020

Tus mob Syphilis nce nyob rau xyoo 2020, muaj ntaub ntawv qhia tawm hais tias nyob rau lub 1 Hlis, 2 Hlis thiab 3 Hlis xyoo 2020 muaj neeg mob coob tshaj xyoo 2019 thiab 2018. Pom hais tias two nyob rau lub 4 Hlis 2020 tej zaum ncaj rau lub sij hawm muaj mob COVID-19 es muab ib cov kev pab cuam hloov mus rau lwm qhov, ces ua rau tsis muaj kev kuaj mob vim hais tias ib cov chaw kho mob kaw, thiab hais kom neeg nyob sib nrug uas yog los ntawm qhov kev xaaj kom neeg nyob hauv tsev.

*Qhia paub: Cov ntaub ntawv no tsuas qhia txog cov neeg kuaj tau tias muaj mob xwb thiab qhia tawm txij lub 1 Hlis txog lub 7 Hli tag rau xyoo 2018, 2019, thiab 2020.

LUB NTSIB LUS THIAB KEV POM ZOO

Muaj taub ntawv tshaj tawm hais tias muaj 5,055 tus neeg mob chlamydia (kas cees tsw phem) rau lub 1 Hlis txog lub 7 Hli 2020—uas muaj neeg mob tsawg tshaj plaws nyob rau hauv 3 lub xyoos dhau los piv rau lub 1 Hlis txog lub 7 Hli 2019 (muaj 5,906 tus neeg) thiab 2018 (muaj 5,640 tus neeg). Qhov cov neeg mob chlamydia txo qhis heev rau lub 3 Hlis (muaj 315 tus neeg), 4 Hlis (muaj 298 tus neeg) thiab lub 5 Hlis (muaj 287 tus neeg) rau xyoo 2020 tej zaum yuav yog los ntawm muaj mob COVID-19 es muab ib cov kev pab cuam hloov mus rau lwm qhov, ces ua rau tsis muaj kev kuaj mob vim hais tias ib cov chaw kho mob kaw, thiab hais kom neeg nyob sib nrug uas yog los ntawm qhov kev xaaj kom neeg nyob hauv tsev. Ntaub ntawv qhia tawm hais tias muaj 386 tus neeg mob gonorrhea (kas cees ua paug) rau lub 6 Hli 2020, hos 397 tus neeg mob gonorrhea rau lub 7 Hli 2020. Tus mob gonorrhea nce me ntsis tej zaum yuav yog cov neeg rov qab muaj kev sib deev thiab/los yog ho muaj kev kuaj mob ntxiv thaum muab qhov kev xaaj kom nyob hauv tsev tshem lawm. Xyoo 2020 muaj ntaub ntawv qhia tawm tias muaj 64 tus neeg mob Syphilis (kas cees mob taug leeg), tshaj tus nab npawb cov neeg mob syphilis uas qhia tawm rau lub 1 Hlis txog rau lub 7 Hli 2019 (muaj 53 tus neeg) thiab 2018 (muaj 35 tus neeg). Muaj ntaub ntawv qhia tawm tias lub 1 Hlis txog lub 7 Hli 2020 cov neeg muaj mob nyob hauv Milwaukee kuj tsis hloov ntau piv rau 2,3 xyoos dhau los.

City of Milwaukee Health Department yeej sib zog ua hauj lwm kom cov chaw saib xyuas kev noj qab haus huv thiab cov chaw kho mob qhib rau lub sij hawm muaj mob COVID-19 uas yog ib qho kev cov lus rau t xoq kev noj qab haus huv rau cov pej xeem thiab kom tsis txhob ua ib lub nra nyav rau cov tsev kho mob. Tej zaum lub chaw ua hauj lwm Keenan Health Center yuav pab piav tau tej yam zoo sib thooj hais txog kev kis kab mob los ntawm kev sib deev yav tag los.^{8,9} Tus mob COVID-19 yuav tsis muaj kev cuam tshuan rau kev mus siv lub chaw kho mob Keenan Health Center. Cov neeg tuaj siv lub chaw kho mob thaum lub 1 Hlis txog lub 7 Hli 2018 (muaj 2,018 tus neeg) hos xyoo 2019 (muaj 2,220 tus neeg) xyoo 2020 los kuj ib yam li (muaj 1980 tus neeg) txij lub 1 Hlis txog lub 7 Hli. Txawm hais tias lub chaw kho mob Keenan Health Center tsis sawv cev tag nrho rau cov chaw kho mob uas muab kev pab rau cov neeg kis kab mov los ntawm kev sib deev hauv lub nroog Milwaukee, nws yuav pab qhia kom peb to taub txog lwm lub chaw kho mob rau cov neeg kis kab mob los ntawm kev sib deev seb lawv yuav xaiv kev pab yam twg ua ntej nyob rau lub sij hawm muaj mob COVID-19. Hais txog ntawm tus mob syphilis nce, Milwaukee Health Department cov neeg ua hauj lwm uas tsis tau hloov lawv t xoq hauj lwm mus saib xyuas tus mob COVID-19 yuav ua hauj lwm ntxiv mus los tiv thaiv tus mob syphilis. Kev soj ntsuam txog tus mob kis los ntawm kev sib deev thiab taug qab cov neeg muaj mob yog ib lub luag hauj lwm tseem ceeb—qhov nod yuav pab tau cov neeg ua hauj lwm kom xa tau cov neeg mob syphilis mus kho. Lub chaw kho mob uas kho cov neeg kis kab mob los ntawm kev sib deev xws li Keenan yuav yog ib qhov chaw tseem ceeb heev uas yuav muab tau kev tiv thaiv rau cov pej xeem nyob hauv zej zog. Cov neeg ua hauj lwm yeej sib zog ua hauj lwm muab kev txhawb rau kev kho mob COVID-19 tab sis yeej tseem muab kev pab cuam rau t xoq kev kho mob uas kis kab mob los ntawm kev sib deev—ntawm no qhia tau qhov tseem ceeb ntawm t xoq kev txhawb thiab muaj kev pab cuam txaus rau cov neeg ua hauj lwm.

Lub koom haum CDC tau muab kev pom zoo rau cov chaw kho mob thiab cov kev pab cuam muab kev tiv thaiv hais txog muab kev kho mob thiab kev tiv thaiv ntxiv mus thaum cov chaw kho mob tsis muaj kev pab cuam los yog tsis muaj neeg ua hauj lwm txaus. Cov kev pom zoo muaj xws li siv xov tooj los yog telemedicine (computer) thiab koom tes nrog lwm cov koom haum uas yuav muab tau kev pab ntxiv.³ Cov chaw kho mob rau cov mob sib kis los ntawm kev sib deev thoob teb chaws tau tsim ib t xoq kev tshiab uas yog tus neeg ntawd nws kuaj nws tus kheej tom tsev. Kev txhawb rau qhov kuaj nyob tom tsev muaj ntau yam zoo tab sis muaj ntau yam tsis zoo xws li kim heev, muaj teeb meem txog qhov tseeb, thiab tej kev cai.⁵ Vim muaj tej yam li no, tsis muaj kev kho mob kom sib npaug rau txhua tus, raws li keeb kwm, tsis muaj nyiaj txiag los pab rau cov neeg ib txawm nyob rau lub teb chaw no, cov Latinx, cov Dub thiab As Mes Liv Kas Dub¹ thiab lwm hom kev ntxub ntawg uas raug rau tib neeg tas mus li yuav tau muab coj los xav thiab. Muaj ntau yam xw li kev ua noj ua haus, kab lig kev cai, kev ntxub ntawg, kev ntshai thiab tsis ntseeg cov tsev kho mob, siv kev kho mob tsis yooy yim, thiab muab tej kev pab cuam tseem ceeb txiav tawm lawm ua rau kom rov qab muaj kab mob. Tej zaum tus mob COVID-19 yuav ua kom ib cov teeb meem no phem tshaj qhov qub.⁶ Tseem tsis tau paub hais tias seb tus mob COVID-19 puas yuav ua kom muaj teeb meem rau tus mob kis los ntawm kev sib deev mus lawm yav tom ntej.

COV LUS/NTAUB NTAUW MUAB QHOV TWG LOS

1. American Medical Association. (2020). COVID-19 FAQs: Health equity in a pandemic. https://www.ama-assn.org/_delivering-care/health-equity/covid-19-faqs-health-equity-pandemic
2. Center for Disease Control and Prevention. (2019, July 30). 2018 Sexually Transmitted Diseases Surveillance. <https://www.cdc.gov/std/stats18/toc.htm>
3. Center for Disease Control and Prevention. (2020). Guidance and Resources During Disruption of STD Clinical Services. <https://www.cdc.gov/std/prevention/disruptionGuidance.htm>
4. Kelley, K. (2020, April 10). LHD HIV, STI, and Hepatitis Programs Respond and Adapt to COVID-19. <https://www.naccho.org/blog/articles/lhd-hiv-sti-and-hepatitis-programs-respond-and-adapt-to-covid-19>
5. National Coalition of STD Directors. (2020). COVID-19 and the State of the STD Field. <https://www.ncsddc.org/wp-content/uploads/2020/05/STD-Field.Survey-Report.Final .5.13.20.pdf>
6. Stulpin, C. (2020, September 15). Pandemic-related declines in testing, 'sexual distancing' cause dip in reported STDs. Retrieved from <https://www.healio.com/news/infectious-disease/20200915/pandemicrelated-declines-in-testing-sexual-distancing-cause-dip-in-reported-stds>
7. Toussaint, K. (2020, April 22). These disease investigation specialists usually track down STDs. Now they're doing COVID-19 contact tracing. <https://www.fastcompany.com/90492735/these-disease-investigation-specialists-usually-track-down-stds-now-theyre-doing-covid-19-contact-tracing>
8. Wisconsin Department of Health Services. (2019, May). Sexually Transmitted Disease in Wisconsin 2018. <https://www.dhs.wisconsin.gov/publications/p00415-2018-milw.pdf>
9. Wisconsin Department of Health Services. (2019, November 27). Wisconsin STD (Sexually Transmitted Disease) Surveillance Data, PowerPoint. <https://www.dhs.wisconsin.gov/library/p-00415-ppt.htm>

Cov lus no npaj los ntawm: Aziza Carter, MHA; Amanda Richman, MPH; Michael Stevenson, MPH; Griselle Torres, DrPH, MPH, MSW; Julie Katrichis, MSN, RN, CNL; Helen Hermus, MSN, BSN, RN.

